

南雷文定五集

南雷文定五集目錄

卷一

答惲仲升論子劉子節要書

答忍菴宗兄書

再答忍菴宗兄書

明儒學案序

改本

今水經序

書川先生易侯序

曹氏家錄畧序

趙漁王詩鈔序

戴西澍詩文題辭

卷二

文淵閣大學士文靖朱公墓誌銘 改本

兵部左侍郎蒼水張公墓誌銘 改本

余若水周唯一兩先生墓誌銘 改本

卷三

陳乾初先生墓誌銘 改本

雨垓葉君墓誌銘

萬公擇墓誌銘

紀九峯墓誌銘

胡雲峯墓表

汪碩公墓表

姜定菴先生小傳

卷四 附錄

文孝梨洲先生私謚議

萬言

黃忠端公暨文孝公入省郡鄉賢祠看語

張希良

先遠嚴梨洲府君行畧

男 百家

黎洲先生神道碑文

全祖望

南齊書卷五集卷一

仁和門下後學沈延芳參訂

休寧後學程志隆較刊

答惲仲升論子劉子節要書

劉子節要成、老兄卽命弟爲之增刪、此時草草不能  
贅一辭、今已刻成、老兄又寓書曰、老師之學、同門中  
惟吾兄能言之、或作序、或書後、節要中有可商榷處、  
更希一一指示、以弟之固陋、而老兄鄭重下問、如此、  
則其大同無我、可知、弟敢不盡一得之愚乎、夫先師  
宗旨、在於慎獨、其慎獨之功、全在意爲心之主宰、一

語此先師一生辛苦體驗而得之者卽濂溪之所謂人極卽伊川所言主宰謂之帝其與先儒卽合者在此自意者心之所發之註爛熟於經生之口耳其與先儒牴牾者亦在此因起學者之疑亦在此先師存疑雜著大概爲此而發其後伯繩編書另立學言一門摠括先師之語而存疑之目隱矣董標心意十問史孝復商疑十則皆因學者疑此而辨明之也今節要所載董史問答去其根柢而留其枝葉使學者觀之茫然不得其歸著之處猶如水經爲諸水分合而作而讀者止摘其傳語遇事於作者之意亦何當乎

原老兄之心、總礙於論語毋意之一言、以從事於意、終不可以爲宗旨、故於先師之言、意者一概節去、以救之、弟則以爲不然、凡論語之所謂意、必固我、皆因事而言之也、在事之意、則爲將迎、故不可有誠意之意、不著於事、爲淵然在中、戶居龍見與意、必固我之意、兩不相蒙、字義之此、然而彼否者、何限、如論語既云言忠信、又云言必信、爲小人、既云由也、果於從政、乎何有、又云果哉、末之難矣、大學言正心、孟子言勿正心、必欲相提而求其無礙、則聖經已是可疑矣、人譜一書、專爲改過而作、其下手功夫、皆有塗轍可循、

今節要收過門無一語及之視之與尋常語錄泛言不異則亦未見所節之要也程子不欲及門記其問答以爲同此一語其間轉換一二字則其意已不同今先師手筆粹然無疑而老兄於刪節接續之際往往以己言代之庸詎知不以先師之語遷就老兄之意乎節要之爲言與文粹語粹同一體式其所節者但當以先師著誤爲首所記語次之碑銘行狀皆歸附錄今老兄以所作之狀分門節入以劉子之節要而節惲子之文學有是體乎嗟乎陽明身後學其學者徧天下先師憂莫以來未及三十年知其學者不



過一二人。則所藉以爲存亡者。惟此遺書耳。使此書而復失其宗旨。則老兄所謂明季大儒。惟有高劉二先生者。將何所是寄乎。且也陽明及門之士。亦多矛盾。以其學之者之衆也。有離者。卽有合者。先師門下。使老兄而稍有不合。則無復望矣。弟是以叨叨進其商榷。冀望來教。用匡不逮。

答忍菴宗兄書

伏蒙宗兄手教、示以大著、屬以一言、弟讀之再四、博而不汎、嚴而有守、斯道術之津梁矣、嗟嘆何已、姜定菴又示弟以論子劉子圖說書、更歎宗兄之能疑、如朱子之蘭絲牛毛也、古之善學者、其得力多在異同之論、以水濟水、今人所以不如古人耳、弟敢以宗兄之言爲一隅之反乎、宗兄謂陰陽二氣皆一理之散見、卽是太極之昭著、以先師所云二氣分極、隱於無形爲非、是弟以爲二氣雖有形、然不可竟指二氣爲太極、程朱言性不離氣、不可指氣卽是性、豈非太極

隱於無形乎、宗兄舉橫渠有無不可以言易故隱見亦不可以言易、夫有無與隱見不同、盡天地間皆是理、以爲無也、則鳶魚皆是、以爲有也、則不睹不聞、故中庸言費而隱、費則不落於無、隱則不落於有、此張子之意也、先師云、以一生二、乃得偶數、宗兄以爲非是、言理則理一而無二、言氣則物之生生便合下有陰陽二氣、原無一與二、疇重而相生、言數則數固無所生、烏能一生二、二生四、以至八乎、弟以爲理氣數三者雖分而實則一致、理雖一而生生不窮、不礙其爲一也、若滯於一、則理爲死物矣、氣則合下只有一

氣○相○生○而○後○有○陰○陽○亦○非○合○下○便○有○陰○陽○也○數○以○相○  
生○而○後○變○化○若○無○所○生○則○無○所○用○數○矣○陰○陽○本○是○一○  
氣○其○互○生○也○非○於○本○氣○之○外○又○生○一○氣○故○左○伴○一○畫○  
是○陽○右○伴○做○其○一○畫○便○是○陰○既○成○陰○矣○則○左○伴○是○偶○  
右○伴○加○一○畫○便○是○陽○一○陰○一○陽○乃○一○氣○之○變○化○若○由○  
下○而○上○則○認○陰○陽○爲○二○氣○矣○宗○兄○又○云○邵○子○之○節○節○  
相○生○皆○自○然○之○法○弟○以○爲○此○邵○子○之○自○然○非○易○道○之○  
自○然○也○夫○乾○坤○老○陽○老○陰○也○震○坎○艮○少○陽○也○巽○離○兌○  
少○陰○也○非○易○之○自○然○乎○邵○子○以○兌○居○老○陽○之○位○震○居○  
少○陰○之○位○巽○居○少○陽○之○位○艮○居○老○陰○之○位○此○強○陳○舊○

得謂之自然乎先師謂之死法以其不合於理也  
古人借數以明理達理之數將焉用之宗兄謂先師  
於易欲另出頭地故其說類與先儒舛逆亦非也先  
師之言易唯恐其不合於先聖故信經而不信傳豈  
欲另出頭地作翻案文字乎如邵子之易皆易中所  
無方可謂之另出頭地也弟衺衺之言未必有當於  
宗兄或視爲漢儒之守師說想亦不深罪也

再答忍菴宗兄書

弟病臥三年、今歲之秋、又加以痰喘、不省人事者兩月餘、屏除筆墨、以待盡、及稍能坐起、得讀宗兄所答書、詳至感慨、真所謂誨人不倦也、感佩無已、然弟茅塞之胸、終有未明、不能自默、非敢與長者辨難、如金溪之與建安也、宗兄以先師之陰陽分極、隱於無形、爲可議、云太極無形、本來如此、若以陰陽分、始謂之無形、豈陰陽未分前、已分後、隱見尚有不同乎、弟以爲一陰一陽之爲道、道卽太極也、離陰陽無從見道、所謂易有太極、是生兩儀、此爲作易者言之、因兩儀

而見太極非有先後次第也。宗兄之意是先有太極而後分之爲陰陽。當其未分陰陽之時。不知太極寄於何所有物。先天地無形本寂寥。能爲萬象主。不逐四時凋。此二氏之言也。易豈有是乎。故先師必於陰陽分後始言隱於無形也。宗兄云隱見卽有無有何差別。夫隱者所謂體物而不可遺也。無則體物而遺矣。其差別迥如中庸言費而隱。不言費而無。今欲避無而并隱亦避之。強坐以有無言易。無乃文致乎。宗兄又以左件一畫爲陽。右件倣其一畫便是陰。左件是偶。右件加一畫便是陽。爲非是。此亦爲畫卦言之。

繫云成象之謂乾效法之謂坤則左伴右伴之說非  
無所據也與其信圖書不若信經文之爲愈耳弟言  
四象乾爲老陽坤爲老陰震坎艮爲少陽巽離兌爲  
少陰宗兄以爲後天釋先天不可夫先後天之說出  
於道家邵子緣之入易易之先天而天勿違後天而  
奉天時以人事言之未嘗分伏羲爲先天文王爲後  
天岐而不合故季彭山著易名曰易學四同義文周  
孔皆一貫也少生於老此定數也故乾兌離震皆從  
老而至少顧節節相生之法至巽而窮不得不以少  
生老於是附會其說自乾至震爲順自坤至巽爲逆



順者可以數往，逆者可以知來。果如其說，則乾兌離震不可以知來，與坎艮坤不可以數往。八卦各得其一偏，豈繫之旨乎？邵子之學，弟亦嘗窮究張行成祝泌之傳，頗能識其崖畧。其皇極經世成得一部兀突，書不可施行，宜乎程子所不欲學也。宗兄之學，已自成家，弟之所言可笑不自量。然不敢面從背非，以事長者，故復爲一道。

明儒學案序

改本

盈天地皆心也、人與天地萬物爲一體、故窮天地萬物之理、卽在吾心之中、後之學者、錯會前賢之意、以爲此理懸空於天地萬物之間、吾從而窮之、不幾於義外乎、此處一差、則萬殊不能歸一、夫苟工夫着到、不離此心、則萬殊總爲一致、學術之不同、正以見道體之無盡、卽如聖門師商之論、交游夏之論、教何曾歸一、終不可謂此是而彼非也、奈何今之君子、必欲出於一途、剿其成說、以衡量古今、稍有異同、卽詆之爲離經畔道、時風衆勢、不免爲黃茅白葦之歸耳、夫

道猶海也。江淮河漢以至涇渭蹄涔莫不晝夜曲折以趨之。其各自爲水者至於海而爲一水矣。使爲海若者汰然自喜曰。咨爾諸水導源而來不有緩急平險清濁遠近之殊乎。不可謂盡吾之族類也。蓋各返爾故處如是則不待尾閭之浪而蓬萊有清淺之患矣。今之好同惡異者何以異是有明事功文章未必能越前代。至於講學余妄謂過之。諸先生學不一途師門宗旨或析之爲數家。終身學術每久之而一變。二氏之學朱程闢之未必靡如。而明儒身入其中。軒豁呈露。鑒家創爲之法也。諸先生不肯以朦朧精神

胃人糟粕、雖或淺深詳畧之不同、要不可謂無見於  
道者也、余於是分其宗旨、別其源流、與同門姜定菴  
董無休、撮其大要以著於篇、聽學者從而自擇、中衢  
之蹲、特瓦甌、蠲杓而往、無不滿腹而去者、湯潛庵曰  
學案宗旨、雖越苟善讀之、未始非一貫也、陳介眉曰  
學案如王會圖、洞心駭目、始見天王之大、摠括宇宙  
書成於丙辰之後、許西山刻數卷而止、萬貞一又刻  
之而未畢、壬申七月、余病幾革、文字因緣、一切屏除、  
仇滄柱都中寓書、言北地賈若水見學案而嘆曰、此  
明室數百歲之書也、可聽之埋沒乎、亡何賈君死、其

子醇菴承遺命刻之、嗟乎、余於賈君邈不相聞、而精神所感、不異同室把臂、余則何能顧賈君之所以續慧命者、其功偉矣、

今水經序

古者儒墨諸家其所著書大者以治天下小者以爲  
民用蓋未有空言無事實者也後世流爲詞章之學  
始修飾字句流連光景高文巨冊徒充汙惑之聲而  
已由是而讀古人之書亦不究其原委割裂以爲詞  
章之用作者之意如彼讀者之意如是其傳者非其  
所以傳者也先王體國經野凡封內之山川其離合  
向背延袤道里莫不講求水經之作亦禹貢之遺意  
也酈善長注之補其所未脩可謂有功於是書矣然  
聞章河水二字注以數千言援引釋氏無稽於事實

何當已失作者之意。余越人也。以越水證之。以曹娥江爲浦陽江。以姚江爲大江之奇分。苕水出山陰縣。具區在餘姚縣。汚水至餘姚入海。皆錯誤之大者。以是而概百三十有水。能必其不似歟。歐陽原功謂郭璞作經。鄺善長作注。璞南人。善長北人。當時南北分裂。故聞見有所不逮。余以爲不然。璞旣南人而習南水矣。其南水又不應錯誤至此。後之爲水經之學者。蔡正甫補正水經。惜不獲見朱鬱儀水經注箋。毛舉一二傳寫之誤。無所發明。馮開之以經傳相淆。間用朱墨勾乙。未嘗卒業。鍾伯敬水經注抄。所謂割裂。

以爲詞章之用者也。余讀水經注，參考之以各省通志，多不相合。是書不異汲冢斷簡空言，而無事實。其所以作者之意，豈如是哉？乃不襲前作，條貫諸水名之曰今水經，窮源按脉，庶免空言。然今世讀書者，大抵鍾伯敬其人，則簡樸之謂有所不辭爾。



畫川先生易侯序

五經傳註。唯易爲最多。然自秦漢以來。分爲二途。有義理之學。有象數之學。主變占而不言義理。田何九師之徒是也。尙辛虛而不言象數。王輔嗣韓康伯之流是也。唐宋以後。或言理。或言象數。象數則攬入老氏之圖書。非復田何之象數矣。理則本之天地萬物。非復辛虛之理矣。互相出入。義理與象數。終不能歸一。蓋易非空言也。聖人以之救天下萬世者也。大化流行。有一定之運。如黃河之水。自崑崙而積石而底柱。而九河而入海。盈科而進。脈絡井然。三百八十四

爻皆一治一亂之脈絡陰陽倚伏可以舉提而後聖  
人得施其苞桑拔茅之術以差等百王故象數之變  
遷爲經人事之從違爲緯義理卽在其中一部二十  
一史是三百八十四爻流行之迹也憶前庚午歲訪  
何天玉先生於陪京之烏龍潭時天玉著易余竊觀  
之多言人事茫然不知所謂後得楊誠齋易傳讀之  
其每爻辭引古爲証方知天玉之有所本也癸酉病  
榻喬石林先生以所著易侯屬余序之讀之畢卷謂  
然嘆曰先生其得誠齋之傳者乎然誠齋所引有合  
亦有不合者自宋至今歷數百年事變錯出又有誠

齋之所未盡者先生會通古今凡天地之極則事機之變化人情物理之糾錯爛然皆聚於目而於君子小人之消長尤爲親切蓋先生在講筵奏對以救維桑遂不爲小人所容所謂談虎色變也嗟乎天以日月星辰爲言語文字詔告天下萬世聖人寫天象以爲象數不過人事之張本其爲象數也盡之於三百八十四爻今舍三百八十四爻之人事而別爲圖書卦變於外若聖人有所未盡者是作易者猶之爲盤。枕。刀。筆。之。務。也。而。盛。衰。之。理。反。求。之。鳥。鳴。風。角。矣。象數晦而人事荒故先生首闕之余嘗著易學象數

論以糾謬言象數者人以為妄今得先生之說人苟  
不疑於先生則余不至為妄人矣

曹氏家錄續畧序

語溪曹叔則靜深真實一切好名之事如講學選文皆所不爲其與人交光風霽月亦不爲翕翕熱余在語溪四年欽其風槩肥遯之士蓋庶幾焉手抄填海沉井之書牛毛細字盈於篋篋從之借抄亦所不吝余自離語溪賣文糊口不相通問蓋不欲以綺靡之語入冷汰之耳夫悲哉秋氣而木葉不脫土無蟄虫非夷則之本色矣歲乙亥叔則以所著家譜寓書屬序余閱之終卷大畧以歐蘇爲法誠名筆也譜之爲患有二公卿降爲皂隸讀書種絕以余所見言之陸

氏世家其後人當麥熟之時則張祖宗影像于中田  
烏紗絳袍以驅鹿豕應平仲者明初文人也數傳之  
後文集零落子姓以爲留之不敬雜紙錢焚之如是  
者多有其人逮及於譜乎其後卽有達者又何所據  
以爲張本曹氏自宋至今世有象賢至於叔則蓋七  
編矣故無闕文自魏晉以來碑版之文多借間人以  
助筆藻故言張必緣張仲言田必及田單千秋言辛  
必及辛有言李必及老聃庶姓皆然由是後之爲譜  
者獵取元夫鉅公貴以世系以至史傳牴牾地理錯  
亂適以自旌其不學曹氏不附顯達群昭群穆無非

鬼之祭。余嘗與門士論史。切不可有班馬之叙事於胸中。而擬議之故事。本常也。而叅合於奇節。情本平也。而附離于感憤。第就世間之人情物理。饑食渴飲。驥。走。蹏。躑。宛。轉。關。生。便。開。衆。妙。事。以。徵。信。爲。貴。言。以。原。情。爲。定。寧。爲。斷。爛。之。朝。報。無。爲。陵。駕。之。古。文。史。學。其過半矣。由叔則之譜。以推之。於余言。其有合也。使叔則而爲史。劉靜修所謂無邊受屈者。庶可免矣。

趙漁王詩鈔序

少年向予欲學詩古文者、每阻之曰、當究竟時文、而後可從事於此也。歐陽公作文之法、讀書多、講究多、著作多、文始能工。蓋人之才分有限、須一生之力、并當於此。今舉子場屋之業未畢、而希心高遠、其不兩墜者鮮矣。雖然、此爲槐花席帽中人物言耳。世不乏奇才之士、一目十行、十年半面、豈區區制舉之業所能束縛。吾友鄭春薦出其子壻趙漁王詩讀之、剪汰秋水、格法老成、而麗句層出、秦系所不能禪也。漁王少年其場屋文亦爲主者高薦、固知才有兼長、但能



无之以學則又何所不至予束髮出遊卽交嚴卽持  
關子將其時讀書社號爲清流多有能爲詩古文者  
桑海以來此風渺然卽有一二黠綴亦中郎之虎賁  
耳豈存正始之想今見漁玉他日復還武林舊觀誠  
可預卜也

萬貞一和蘇詩題辭

古今來和陶詩者多矣、未有和蘇詩者、顧貞一獨和  
蘇詩何也、子由序和陶詩云、淵明不肯爲五斗米一  
束帶見鄉里小人、子瞻出仕三十餘年、爲獄吏所困  
折終不能悛、乃欲以桑榆之末景、自托於淵明、其誰  
肯信之、蓋子瞻淵明出處不同、強欲以言附之、貞一  
掛名罪籍六百四十二日、魂飛湯火、甚於子瞻、患難  
既同、和詩能不親切、其於陶蘇之相去不侔矣、雖然、  
子瞻年在桑榆、水落石出、不能不爲擊歛、貞一膺力  
方剛、秋水方至、百川灌河、焉知不以金石之聲易其

孤絃么韵乎子瞻出獄以後忌者未艾貞一從此鴻  
飛冥冥弋者何篡管卹西臯焉知其不爲柴桑栗里  
乎是則其不同者也嗟乎此亦論其迹耳子瞻剛勁  
之氣不以生死患難少爲屈詘貞一讀書數十年將  
無求其同者豈區區詩之不愧他日而和之有在此  
而不在彼者矣

戴西澍詩文題辭

歐陽公曰、物常聚於所好、余謂不特金玉珠璣書畫  
碑石之物、在外者爲然、詩文吾所自爲者也、苟非好  
之、則吾亦無能自得、故古今能文之士、必其好專於  
是、外物不足以動其心、而後其文始工、小好則小工、  
大好則大工、何也、文章之道、非可一蹴而至者、苟好  
之、則必聚天下之書而讀之、必求天下之師友而講  
之、必聚一生之精力而爲之、其文有不工者乎、不然  
所接不過腐生末學、所讀不過毛頭制義、必讀古文  
繼之、或作或輟之工、六視醢鷄之憂、爲藝苑而曰吾

能文。吾能文其可乎。此無他。不好故也。戴西洮好爲詩文。淮海爲天下之衝。南北名士之往來者。迎至於家。無不咨請。聞有未見之書。多方購之。積至萬卷。又延書友萬公擇共讀十三經二十一史。晝夜無間。好之可爲篤矣。癸酉歲盡。公擇來寄我詩文一卷。讀之皆有師法。其爲亡友劉子吉行狀。尤稱合作。蓋不期工而自工矣。西洮年甚富。好甚篤。浸浸無已。未知所至。以觀今日之名士。摹彷彿得歐蘇一二轉折語。自稱震川正派者。見之能不自愧乎。

呂勝千詩集題辭

余館語溪三年、別去二十七年矣、語溪多詩文之士、當時皆得相與唱和、是後出處參差、而語溪之友、詩文亦無相及者、癸酉病榻、有從語溪來者、投我詩二卷、視之、則吾友呂季臣之孫勝千也、其詩秀拔、每首必有佳句、醒人心目、凡爲詩者之所能也、而其內有鬱不能暢之情景、色當前卽歡愉宴樂、無非與吾衝擊之物、此勝千作詩之本也、古者才人、逸士、或寄傲於山川、或移情於花鳥、向使逐物而流、中藏泊然其詩、必中遒、枯、淡、吾於勝千之詩、吟之而雋永、愈出人

但賞其佳句者淺之乎知勝千矣余觀當今之作家  
有喜平淡而出之率易有喜艷麗而出之委曲有獨  
創以爲高有妮古以爲非法非不各持一說以爭鳴  
於天下然而傍惶塵垢象沒深泥衆情交集豈能孤  
行一已之情乎夫此戚然孤露之天真井底不能沉  
日月不能老乃從來之元氣也元氣不寄於衆而寄  
於獨不寄於繁華而寄於岑寂蓋知之者鮮矣語溪  
有曹叔則者亦元氣之所寄也勝千其過而問之

後學戴有光

校字

孫男 千人

南雷文定五集卷二

仁和門下後學沈廷芳叅訂

休寧 後學程志隆較刊

文淵閣大學士文靖朱公墓誌銘

改本

公諱天麟字游初、別號震青、以沈天英舉鄉試、後始復姓、世居吳江之太湖濱、爲農家、至公而徙崑山、幼好學、家貧無力從師、年十歲隨父素菴之黎里、其地有道士陸逸菴、公之親也、精舍幽雅、公欲留而讀書、素菴不可、携之還家、越二日、里人有鬻薪於黎里者、公不告於家、附舟而往、家人跡之使歸、公曰、吾不欲



以農夫沒世、逸菴亦勸學甚力、聘名師教之、歷八寒暑而學成、萬曆戊午舉鄉書出先忠端公之門、登崇禎戊辰進士第、授饒州府推官、政事之暇、惟務談學、所謂豫章四子者、陳際泰、艾南英、羅萬藻、章世純皆從之、何心隱傳泰州之學、爲江陵所害、弇洲據其爰書作傳、人遂以游俠外之、公觀其遺錄有所發明、刻之衆毀之中、兼官攝印皆有惠政、建祠者三地、戊寅上御中左門、召考選諸臣問兵食之計、拔公爲翰林院編修、庚辰充武經大全纂修官、甲申正月、差祭淮王、至山東而京師陷、一慟幾不起、大兵南渡、公欲

爲卽墨之守而人心已去、航檣而南至定海登陸、復自浙之閩、遇閩立國公、以少詹事兼侍讀學士、署國子監祭酒、諸生亦千餘人、閩中廷試貢生、選十二名爲萃士、其冠服比庶常、三年後賜同進士出身、以公爲教習、未幾、公見鄭芝龍跋扈、乞假至粵、閩事敗、又自東粵至西粵、入土司安平州、桂王立於肇慶、移梧、移桂、移全、永、順、治、丁亥、依劉承胤於武岡、遣官以禮部侍郎召公、公上疏請上自將爲前鋒、毋徒踵轍承平、今日拜一相、明日設一官、坐失事機、戊子四月、王在南寧陞禮部尙書、尋兼東閣大學士、召入直、公力

辭、今何時也、營官晉秩、臣實耻之、願押選土兵、勤畧  
江、閩、不聽、公不得已、至行帳、會李成棟、請幸肇慶、公  
扈從過潯州、潯帥陳邦傳、請世守粵西、如黔國故事、  
公簽擬不允、邦傳意在必得、以印劔擲公脅之、公仍  
不允、時西粵新復、豫章通欵、何騰蛟堵亂、錫經畧三  
楚、肇慶晏然、以小朝廷自處、公上言爲今之計、親賢  
選將、詢爾仇方、夙纘舊服、爾乃惟聽孔壬、譏譏日以  
口舌快忿、卽昨日橫經、權商繁賈、亦奚以爲、願議者  
謂何必親征、我以地方官、官彼人以地方餉、餉各兵、  
卽我官我兵也、漢高所云馬上得天下者、欲以筆端

收之、臣望主上效宣周自將、以世臣元老姜曰廣、黃景昉、瞿式耜、何騰蛟、堵胤錫等爲今蒞止荆淮之穆公方召、卽以迎師諸勲鎮兵合爲王旅、倣舊制京營神樞等十二、以隸衆帥、內以神機一營領兵一萬二千五百人、屬中樞戎政轄之、使表裏策應、悉聽命於行帳、亟頒親征之令、舍此更無他道、主優客答之、而不能行也、未幾而五虎之門戶起、五虎者、左都御史袁彭年、副都御史劉湘客、吏科都給事中丁時魁、兵科都給事中金堡、戶科都給事中蒙正發也、皆以李成棟之子元胤爲主、堡在桂林、擬上十事、叅馬吉羽

陳邦傳、龐天壽、李成棟及大學士王化澄嚴起恒至肇慶行帳、以示時魁等、時魁削其牽連成棟者二事、而以八事上之、成棟見其所論之人皆已之所不悅者、故使其子親之、化澄起恒俱欲辭位、公言二輔歷盡顛沛、所謂同患難之臣也、不宜聽其去、守輔瞿式耜當令旋軫、內定紛囂、外資發縱、十二月二日召對、王論肇基伊始、百爾功臣、方賴中外拮据、科臣弗悉艱難、說現成話、或寒其心、豈不誤事、日來改票、我與輔臣再三商確、豈不容我改一事、何云內意、公奏科臣金堡前朝卓豎風裁、紀綱初立、方賴糾繩、用舍人

材謨畫軍國、倘有故違僉論、出自斜封墨勅者、方爲  
中旨。今雖無此言、官防微杜漸言之、未始不可。袁彭  
年條陳憲規、察御史履歷、適陸樞回道、刺書下衙。彭  
年劾請逮問。王批未允。彭年隨劾起恒、而丁時魁金  
堡、單疏公疏、劾起恒及馬吉翔、臚天壽者無已時。太  
妃召公票簽面諭、當武岡危難之時、今日諸臣安在、  
非馬吉翔等二三人左右王躬焉有今日。先生嚴加  
擬議、不可隱徇。公奏武岡屢從大功、固不可弢。然憲  
坦所爭、亦是職所當言。還望太妃主上寬宥、以開言  
路。太妃復諭先生只管嚴擬、來看隨命內臣給筆札。

賜坐、公票擬兩解、太妃不允、改票至再、內有那得如  
許更端聚訟語、彭年大怒、疾呼於堂上曰、當時不惜  
鐵騎三千、猶得作此景象耶、起恒遂抹前批以達其  
意、彭年怒猶未平、二十三日立春、王令諸大臣盟於  
祖廟、而後入賀、顧水火愈甚、巳丑正月、陳邦傳憤金  
堡叅之也、上書言堡謂臣無將、無兵、濫冒封爵、請卽  
遣堡爲臣監紀、以觀臣十萬鐵騎、堡昔爲臨清知州、  
降賊、受官、逃回、今日湖南來、未必非敵人間諜、公與  
起恒在直、得邦傳疏、抵几大笑曰、金道隱善罵人、今  
亦被人罵倒耶、道隱者、堡之字也、遂擬票、金堡辛苦

何來。我所未悉。所請監紀著卽會議。其謂辛苦何來。用杜子美喜達行在所辛苦敵中來成語。非有他意。而堡以爲譏。其從敵時魁等率科道官青衣哭於朝。擲印免冠入閣大噪。公曰。公等豈以小朝廷遂無君臣之禮耶。彭年曰。不關我事。公曰。總憲者。總朝廷之法也。公爲總憲。法紀蕩然焉。所謝責。王召諸臣勉之。收印視事。時魁等不從。令李元胤給之。初時魁等以票擬出自起恒。欲進閣毆之。是晨侍郎劉遠生至公舟。阻其入朝。詢其故。遠生以告。公曰。不知可以不入。旣知矣。事不辭難。遂至閣自認。時魁等爲之稍阻。公



隨乞去。王遣鴻臚卿何驥敦趣視事，不可面辭涕泣。王亦垂淚曰：卿去，我益孤矣。二月初六日也。此與唐昭宗欲相韓渥，朱溫欲害之而出，昭宗握渥手流涕曰：左右無人矣，又何殊也。公棲遲慶遠，九月王復勅入覲，跂予懸望，更勿久延。公言：兩粵兵民情渙，勢促，路人能言之，好建言者絕置不論，須知近地可危，方克謀及禦遠，知邇形可懼，奚遑漫採浮言而乃瑣屑一人一事，掉頭以爭，矯令還封，曰：我古遺直也。今而後，母以四方無利害之章奏，悻悻見面，認爲極痛極癢而閔焉，使我一人終日知危知懼，僅知此焉而已。

王念之不置、俾返棹端溪、公自慶遠至象州而王已  
退、駐梧州、上書言端州終歲媮視、茲因一番震蕩、毅  
然有爲、自今日爲始、東省勤舊、各有塞兵、汎艇曾舉  
義於昔者、自可號召於今、高雷廉瓊額解、兩廣鹽利  
土弁客兵、禪其根括、有兵而不知發、有餉而棄諸人  
毋若向之謀國者、曰團兵可散歸農也、土狼塞島兵  
不可用也、終日以毛錐從事、一驚再驚、至有今日、又  
言朱高宗渡江航海、偏安一隅、有退地也、今日之事  
退地何居、下無行臺、上無行帳、中露中泥、無地非戰  
場也、無日非戰期也、可云此爲三公九卿屬內歟、彼

爲使相調將屬外歟、二三年間、搖惑內權、麾之難去、  
輕畀外爵、招之莫來、主上當奮然自將、勿判內外文、  
武諸臣悉擐甲將兵以從、臣請持經畧江南嶺南使、  
節、揀砮兵、擇土豪、抽峒丁、募水手、自近逮遠、招集四、  
方流徙之人、訓閱以充御兵、佐主上雲集龍鬬之力、  
否則徒責票簽、調停文武水火、以爲主持政本、嗚呼、  
今日政本何在、乎、庚寅七月、以文淵閣大學士吏兵、  
二部尙書入直梧州、賜圖書、日理學名臣、先是雲南、  
督師楊畏知說滇寇孫可望反正、同鄉官龔彝赴璧、  
慶進可望表、請王封金堡、首言明朝異姓止有贈王、

祖宗定制不宜壞自今日衆皆以爲然畏知曰不與  
無益彼固已自王也一旦降號公侯而能欣然受命  
者此純臣之節寧可望於若輩今因其向義使之感  
恩庶幾收助於萬一旦法有因革時異勢殊土宇非  
故而猶執舊法乎議數月不決臨發乃賜一字親王  
章而無封號畏知西行過梧遇堵亂錫曰可望業自  
王雲南今賜之印而無國名是猶斬之也激猛虎而  
使噬人柰何亂錫然之爲補牘入始封爲定王武康  
伯胡執恭者故陳邦傳中軍駐防泗城州地與滇近  
聞可望求封先以書約封秦王可望悅執恭卽具疏

報聞且謂機不容緩臣已便宜鑄印填空勅賫行矣  
執恭至滇可望郊迎甚恭所部額手交賀儼然以秦  
王臨其下矣比畏知回始知其詐顧深耻之曰爲帝  
爲王我所自致何藉於彼而屑屑更易徒爲人笑歟  
遂不受約束至是可望復遣使至梧自稱秦王且以  
不願改號爲請從官集議公與王化澄以爲許之便  
嚴起恒文安之郭之奇以爲不當許公厲色爭之而  
起恒等持之益堅及兩廣俱破大兵日迫王奔南  
寧辛卯始封可望爲秦王而可望已視之甚輕五月  
可望請移駐雲南從亡諸臣議之閣臣吳貞蘇御史

王光廷、徐極等議赴欽州依李元胤。公言：「元胤屢敗之餘，衆不滿千，棲依海濱，其不足恃明矣。」雲南山川險阻，雄師數十萬，北通川陝，南控荆楚，可望旣懷好音，必弗遽萌他志。不若因其迎而依之，亦推誠之道也。僉議未協。遷延者累月，公憂隨從單薄，奉使經畧左右兩江，土司兵衆未集。大兵已迫南寧，王踉蹌入滇，公扶病隨行。壬辰正月，至廣南府，病劇不能前進，暫寓西板村土官僮紹周架屋居之。是年八月十八日卒。有孤忠未展，遺恨無窮。疏遣人至安隆所上之。王覽疏悲涕，賜祭十一壇，贈少保，建極殿大學士。

謚文靖。粵稽桂王立國。筆路藍縷。風聲鶴唳。與宋之  
二王無異。惟肇慶之時。兩三年間。可以進取有爲。而  
又爲五虎所把持。薄文細故。事事爭執。以法祖制。慎  
名器。依傍爲題目。廟堂之上。流矢影雲。救過不遑。而  
於兵食戰守。綱繆呼吸之大計。一切置之不講。夫未  
進。閱日。簽擬既落。紅卽令旨。令旨一不當。意卽追究。  
簽擬之人。而欲毆之。此與狗脚朕之詈何殊。袁彭年  
等不足責。金堡頗持士節。顧乃昵近凶慝。取謀豺虎。  
與之共濟乎。明朝異姓不封王。猶漢之非劉氏而王。  
者。天下共擊之一也。孫可望之求王於明。亦猶韓信。

之○求○王○於○漢○也○顧○漢○未○嘗○不○王○信○堡○執○承○平○之○言○以○  
繩○創○業○得○乎○彼○求○我○則○我○重○我○求○彼○則○我○輕○我○不○能○  
操○重○之○權○直○至○於○零○丁○失○所○我○出○其○下○而○後○奉○之○則○  
爲○其○所○輕○也○固○宜○不○王○異○姓○與○諫○南○遷○之○議○皆○愚○儒○  
不○知○通○變○者○也○文○靖○公○之○學○所○謂○積○穀○做○米○把○纜○放○  
船○其○於○儒○門○尚○未○臻○於○自○得○顧○鞠躬○盡○瘁○死○而○後○已○  
堡○則○深○契○禪○宗○佞○口○銛○筆○一○以○機○鋒○出○之○壞○人○家○國○  
視○爲○墮○甌○而○又○別○開○生○面○搥○鼓○上○堂○世○出○世○間○總○屬○  
無○情○於○此○可○以○知○儒○釋○之○分○矣○公○耑○志○讀○書○棲○心○重○  
伋○卽○行○街○衢○間○亦○不○徹○吟○誦○壬○午○在○京○師○余○每○過○之○



談學齋、汗漫恍惚、非章句之所軌轍、著有道統治  
統二錄、七觀齋文集、雉城詩集、孝詮一、絃草藏於家、  
娶沈氏、封一、夫人子三人、宿垣監察御史、斗垣給  
事中、冊封鞏昌王、行至板橋、孫可望難作、抗節而死、  
孫之銓、甲子武舉人、某某、康熙壬寅喪車還里、癸丑  
葬於雉城之湖濱、又十年、余至崑山、之銓以墓銘爲  
請、先忠端公之難、門人唯徐冢宰、石麟職納橐、儻公  
與金知縣、渾倉惶奔赴、余時童稚、執手長號、徘徊家  
國存亡之故、執筆泣然、渾字宜蘇、吳縣人、亦死節於  
英德、銘曰、

國之興亡。雖曰天數。天之所廢。由人摧仆。鼎懸一絲。啗之未錯。景炎一隅。危如朝露。猶以臺諫。排論宿素。叢爾兩粵。乃與朋黨。咫尺堂階。殷雷掇攘。昔之臺諫。奉行宰相。今之宰相。臺諫所養。於唯文靖。爭此呼吸。群枉譁然。捲堂相逼。扁舟飄泊。時危復入。朝服搢淚。桐棺瘴濕。一家百口。寄命蠻巢。經年十九。存者寥寥。故鄉畫錦。丹旄飄飄。死而不亡。視此霜臺。

兵部左侍郎蒼水張公墓誌銘 改本

語曰慷慨赴死易從容就義難所謂慷慨從容者非以一身較遲速也扶危定傾之心吾身一日可以未死吾力一絲有所未盡不容但已古今成敗利鈍有盡而此不容已者長留於天地之間愚公移山精衛填海常人貌爲說鈴賢聖指爲血路也是故知其不可而不爲卽非從容矣武林張文嘉甬上萬斯大與僧超直葬蒼水於南屏之陰余友李文胤謂文山屬銘于鄧元薦以元薦同仕行帳也今行帳之臣無在者蒼水之銘非子而誰余乃按公奇零草北征錄及

公族祖汝翼世系次第之以爲銘公諱煌言字亨箸  
別號蒼水宋相張知白之裔也曾孫集賢修撰襲自  
滄州徙平江集賢子額又自平江徙鄞九傳至景仁  
避元末之亂泛海至高麗洪武初始返鄉里又四傳  
而張氏以雍睦名長伯祥舉成化癸卯賢書次珽次  
玠次璟里人以孝友名之玠生錫錫生淮淮生尹忠  
尹忠生應斗應斗生圭章字兩如天啟甲子舉人仕  
至刑部員外郎公之父也妣趙氏封宜人公幼頗跣  
跣不羈好與博徒遊無以償博進則私斥賣其生產  
刑部恨之然風骨高華落落不可一世年十六爲諸

生時天下多故，上欲重武，試文之後，試射。諸生從事者，新射莫能中。公執弓抽矢，三發連三中，暇豫如素習者。觀者以爲奇。崇禎壬午，舉鄉試。東江之役，公與錢忠介同事，授翰林院編修。出籌軍旅，入典文誥。順治丙戌，公汎海依肅鹵於滬洲。明年，松江吳勝兆反，公以右僉都御史持節監定西侯軍以援之。至崇明，颶風覆舟，公匿於房師故諸暨令家，以免得間道歸海上。又明年，移節上虞之平岡山寨，與王司馬相犄角。焚上虞，破新昌，浙東列城爲之晝閉。庚寅，滬洲爲行帳，公復從之。滬洲墮，隨從至閩海。時閩事主於延

平遙奉桂朔監國爲寓公而已。公激發藩鎮，改鶴首而北之。癸巳冬返浙，明年復監定西侯軍，入長江，登金山，遙祭孝陵。三軍皆慟哭，失聲，燿火通於建業。題詩蘭若中。以上游師未至，左次崇明。頃之再入長江，掠瓜儀，抵燕子磯。南都震動，而師徒單弱。中原豪傑無鄉應者，亦遂乘流東下。聯營浙海，戍戢滇中，遣使授兵部左侍郎兼翰林院學士，延平北伐。公監其軍，碇羊山，孽龍爲禍，海舶碎者百餘。義陽王溺焉。羊山者，海中小島，群羊乳其上，見人不畏，遷然不可殺。殺之則風濤立至。軍士不信，執而烹之，方熟而禍作。

於是返旆。明年五月，延平全師入江。公以所部義從數千人，並發至崇明。公謂延平：「崇沙江海門戶，懸洲可守，不若先定之爲老營。」脫有疎虞，進退自依，不聽將取瓜洲。延平以公爲前茅。時金焦間鐵索橫江，夾岸皆西洋大砲，砲聲雷鉤，波濤起立。公舟出其間，風定，行遲，登桅樓，露香祝曰：「成敗在此一舉。天若祚國，從枕席上過師，否則以余身爲齏粉。」亦始願之所及也。鼓棹前進，飛火夾船而墮。若有陰相之者，明日延平始至，克其城。議師所向，延平先金陵。公先京口。延平曰：「吾頓兵京口，金陵援騎朝發，夕至，爲之奈何？」公

曰吾以偏師水道薄觀音門金陵將自守不暇豈能分援他郡延平然之卽請公往未至儀直五十里吏民迎降六月十八日抵觀音門延平已下京口水師畢至七月朔公哨卒七人掠江浦取之五日公所遣別將以蕪湖降書至延平謂蕪城上游門戶倘留都旦夕下則江楚之援日至控扼要害非公不足辦七日至蕪湖相度形勢一軍出溧陽以窺廣德一軍鎮池郡以截上流一軍拔和陽以固采石一軍入寧國以偪新安傳檄郡邑江之南北相率來歸郡則太平寧國池州徽州縣則當塗蕪湖繁昌宣城寧國南



寧南陵太平旌德貴池銅陵東流建德青陽石埭涇  
縣巢縣含山舒城廬江高淳溧陽建平州則廣德無  
爲和陽凡得府四州三縣二十四江楚魯衛豪傑多  
諸軍門受約束歸許禡牙相應當是時公師所過吏  
人喜悅爭持牛酒迎勞父老扶杖炷香挈壺漿以獻  
者終日不絕見其衣冠莫不垂涕亡何而金陵之敗  
聞公方受新安之降乃返蕪湖初公語延平師老易  
生他變宜遣諸帥分巡郡邑留都出援我則首尾邀  
擊如其自守我則堅壁以待倘四面克復收兵麇至  
金陵如在掌中矣延平不聽自以爲功在漏刻士卒

釋冰而嬉、樵蘇四出、營壘爲空。大兵諜知、以輕騎襲破前屯、延平倉卒移帳、質明軍竈未就。大兵傾城出戰、兵無鬪志、大敗。延平亦遂乘流出海、并徹京口之師而去。公之聞敗也、亦謂軍雖挫、未必遽登舟。卽登舟、未必遽揚帆。卽揚帆、必且退守鎮江。故彈壓列城、無有變志。遣人至延平、請益百艘。天下事尙可圖也。已而知其不然。大兵千餘艘、截於下流、歸路已梗。引舟趨鄱陽、以集散亡。八月七日、次銅陵。與楚師遇、兵潰。有言英霍山寨可投者、乃焚舟登陸。士卒尙數百人。十七日入霍山界。縣有陽山寨。寨在山巔。

可容萬人、饒水泉、故義師所據、已受招撫、聞公至、拒之、英山有將軍寨、轉而至彼、渡東溪嶺、追師奄至、士卒皆竄、公相依、只一僮一卒、迷失道、土人止之、公賂土人爲導、變服夜行、天明而踪跡者衆、導脫身去、踪跡者得賂乃解、然茫然不知去向、念有故人賣藥於安慶之高河埠、求一人導至其所、至則故人他往、而歐人之友識公爲張司馬、憐其忠義、導公由樅陽湖出江、渡黃盆、抵東流之張家灘、陸行建德、祁門兩山中、公方病瘡、刀疾零丁、至休寧、買棹入嚴陵、浙人熟公面目、改而山行、自婺之東、義出天台、以達海壖、樹

蘇、鳴、角、散、亡、俊、集、庠、子、駐、師、林、間、辛、丑、冬、入、閩、海、遣、  
客、羅、子、木、至、臺、灣、責、延、平、出、師、時、延、平、方、與、紅、夷、搆、  
難、殊、無、經、畧、中、原、之、志、公、作、詩、誚、之、云、中、原、方、卜、鹿、  
何、暇、問、紅、梁、明、年、滇、事、敗、延、平、師、既、不、出、公、復、歸、浙、  
海、甲、辰、散、兵、居、於、懸、巖、懸、巖、在、海、中、荒、瘠、無、居、人、山、  
南、多、汊、港、通、舟、其、陰、巉、岩、峭、壁、公、結、茅、其、間、從、者、爲、  
羅、子、木、楊、冠、玉、餘、惟、舟、子、役、人、而、已、於、時、海、內、承、平、  
滇、南、統、絕、八、閩、濶、安、獨、公、風、帆、浪、楫、傲、岸、於、明、台、之、  
間、議、者、急、公、愈、甚、係、累、其、妻、子、族、屬、以、俟、公、之、小、校、  
降、欲、致、公、以、爲、功、與、其、徒、數、十、人、走、補、陀、僞、爲、行、腳、

僧會公告羅之舟至羅人謂其僧也眠之小校出刀以脅羅人令言公處擊殺數人而後肯言曰雖然公不可得也公畜雙猿以候動靜船在十里之外則猿鳴木杪公得爲脩矣小校乃以夜半出山之背緣藤踰嶺而入暗中執公并及子木冠王舟子三人七月十七日也十九日公至寧波方巾葛衣輜而入觀者如堵牆皆歎息以爲畫錦張帥舉酒屬公曰遲公久矣曰父死不能葬國亡不能救死有餘罪今日之事速死而已後數日送公至省供帳如上賓公南面坐故時部曲皆來庭謁司道郡縣至者公但拱手不起

列○坐○於○側○皆○視○公○爲○天○神○省○中○人○賂○守○者○得○覩○公○面○  
爲○幸○翰○墨○流○傳○視○爲○至○寶○每○日○求○書○者○堆○積○几○案○公○  
亦○稱○情○落○筆○九○月○七○日○幕○府○請○公○詣○市○公○賦○絕○命○詩○  
我○年○適○五○九○復○逢○九○月○七○大○厦○已○不○支○成○仁○萬○事○畢○  
遂○遇○害○子○木○冠○玉○舟○子○三○人○皆○從○死○子○木○名○綸○溧○陽○  
人○冠○玉○鄞○人○公○生○於○萬○曆○庚○申○六○月○初○九○日○年○四○十○  
五○娶○董○氏○子○萬○祺○先○公○三○日○戮○於○鎮○江○今○以○再○從○子○  
鴻○福○爲○後○公○精○於○六○壬○兵○屯○東○溪○嶺○占○得○四○課○空○陷○  
方○大○驚○而○追○騎○已○及○羅○舟○未○返○占○課○大○凶○主○有○非○常○  
之○變○徘徊○假○寐○卒○遭○束○縛○間○常○以○公○與○文○山○並○提○而○

論○皆○吹○冷○焰○於○灰○燼○之○中○無○尺○地○一○民○可○據○止○憑○此○  
一○綫○未○死○之○人○心○以○爲○鼓○盪○然○而○形○勢○昭○然○者○也○人○  
心○莫○測○者○也○其○昭○然○者○不○足○以○制○其○莫○測○則○亦○從○而○  
轉○矣○唯○兩○公○之○心○匪○石○不○可○轉○故○百○死○之○餘○愈○見○光○  
彩○文○山○之○指○南○錄○公○之○北○征○紀○雖○與○日○月○爭○光○可○也○  
文○山○鎮○江○遁○後○馳○驅○不○過○三○載○公○丙○戌○航○海○申○辰○就○  
執○三○度○閩○關○四○入○長○江○南○道○覆○沒○首○尾○十○有○九○年○文○  
山○經○營○者○不○過○閩○廣○一○隅○公○提○孤○軍○虛○喝○中○原○而○下○  
之○是○公○之○所○處○爲○益○難○矣○公○父○刑○部○嘗○教○授○余○家○余○  
諸○父○皆○其○門○人○至○余○與○公○則○兩○世○之○交○也○念○昔○周○旋○

鯨○背○蝸○灘○之○上○共○此○艱○難○今○公○已○爲○千○載○人○物○比○之○  
文○山○人○皆○信○之○余○屈○身○養○母○妾○妾○自○附○於○晉○之○處○士○  
未○知○後○之○人○其○許○我○否○也○銘○曰○  
廬○陵○之○祠○四○忠○一○節○文○山○自○許○俎○豆○具○列○誰○冠○貂○蟬○  
增○此○像○設○曰○惟○信○公○終○焉○是○揭○西○湖○之○陽○春○香○秋○霧○  
北○有○岳○墳○南○有○于○墓○公○亦○有○言○窀○穸○是○附○同○德○比○義○  
而○相○旦○暮○前○之○廬○陵○後○之○甬○水○五○百○餘○年○三○千○有○里○  
一○時○發○言○俱○同○讖○語○天○且○勿○違○成○人○之○美○



余若水周唯一兩先生墓誌銘

改本

嗟乎名節之談孰肯多讓而身非道開難吞白石體  
類王微常須藥裹許邁雖逝猶勤定省伯鸞雖簡尙  
存室家生此天地之間不能不與之相干涉有干涉  
則有往來陶靖節不肖屈身易節而江州之酒始安  
之錢不能拒也然靖節所處之時葛巾藍輿無鉗市  
之恐較之似爲差易活埋土室長往深山吾於

會稽余若水甬上周唯一兩先生有深悲焉若水名  
增遠字謙貞曾祖古愚祖相肇慶府通判父幼美封  
兵部尙書尙書五子長煌字武貞天啟乙丑進士第

一人季增雍太平知縣若水其中子也登崇禎癸未進士第除寶應知縣劉澤清開府淮南欲以公禮格郡縣若水投版棄官而去畫江之役補禮部儀制司主事陞郎中唯一名齊曾字思沂高祖薇工部員外郎曾祖柔祖煬父臺唯一登癸未進士第除廣東順德知縣邑中多盜以爲此饑寒所致古人社倉之法意非不美然而其利易盡於是變社倉爲義田而以社倉之法行之可以久遠又倣弓箭社之法行于西北者行之東南修飾僕區沈命之術盜一發卽得攝香山縣香山與黎人相望一海上官欲渡海入塋直

指許之、唯一不可乃止、閩中立國、其首輔香山、人下  
教○有○不○便○於○民○者○唯○一○卽○解○職○歸○兩○先○生○之○出○俱○當○  
兵○戈○旁○午○之○日○若○水○無○以○自○見○唯○一○之○所○見○者○亦○小○  
小○及○民○之○事○不○足○以○盡○其○長○也○桑○海○之○交○武○貞○投○水○  
死○若○水○逃○山○中○不○出○郡○縣○逼○之○入○見○若○水○乃○輿○疾○城○  
南○以○待○齊○斧○久○之○而○事○解○聚○村○童○五○六○人○授○以○三○字○  
經○晨○則○秉○耒○而○出○與○老○農○襍○作○較○量○勤○惰○未○嘗○因○其○  
貴○人○而○讓○畔○也○同○年○生○王○天○錫○爲○海○道○欲○與○話○舊○若○  
水○辭○以○疾○天○錫○披○帷○直○入○若○水○擁○衾○不○起○曰○主○臣○不○  
幸○有○狗○馬○疾○不○得○與○故○人○爲○禮○天○錫○執○手○勞○苦○未○出○

門數步則已與一婢子擔糞灌園矣。天錫遙矚嘆息而返。冬夏一皂帽。雖至昵者不見其科頭。康熙己酉十月某日卒。年六十五。蓋二十有四年不離城南一步也。唯一遞入剡源。盡去其髮而爲髮塚。曰惟松有聲。可以無哭。惟薤有露。可以無泪。唯鳥石依依。可無吊客。架險立瓢榜。曰囊雲。自稱無髮居士。剡源饒水石。與山僧樵子。出沒瀑聲虹影之間。軍持不借。時掛於萬仞叢林。遂欲以法付之一笑而已。王天錫求見。唯一止之曰。烟裡程途。朝不知暮宿所。故人咫尺。舉目有山河之阻。康熙辛亥三月某日卒。年六十九。若

水行在孝經義理迫隘。唯一之途稍寬。世之君子。往往由之。然不欲爲易代之臣者。顧反爲異姓之子。無乃自相矛盾乎。唯一之寄身釋氏。猶李燮之爲傭保。依齋之爲賣卜。然其詩云。愧不悉隨鬚髮去。猶留松下。一孤身。我來仍喚松爲樹。未必松呼我是人。則亦未嘗不羨若水之爲也。若水草屋三間。不蔽風雨。以鼈甲承漏。臥榻之下。牛宮雞桀。無下足處。生人之趣。都盡。唯一山林標致。一器之微。亦極其工巧。嘗拾燒餘爲爐。拂拭過於金玉。又得懸崖奇石。製爲養和坐臥。其間兩先生之不同如此。若水慨世路之險。遂疑

荀卿性惡百王無雙著論以非孟唯一機鋒曳電汪洋自恣寓言十九然清苦自立胸中兀然有所不可不以牛跡之安途避亂群之近憂者是則同若水出自崑山朱相國震青之門唯一出鹽官吳太常磊齋之門相國則先忠端公之門人也其淵源有自若水疾革余造其榻前命兒子正誼爲之切脉若水曰某祈死二十年之前反祈生二十年之後乎余泫然而別唯一則未嘗一而也若水配姚宜人子三金體金和金繩唯一配袁孺人子四天行時行攸行中行庚戌歲金體介陳天若求銘余未及爲後七年天行介

李杲堂求銘余倣葉水心併誌陳同父王道父之例  
以誌兩先生同父道父猶有顯晦之別若兩先生則  
屈賈李杜之同傳兩家子弟刻于墓以信德之不孤  
也銘曰  
不有死者無以見道之界不有生者無以見道之大  
賢生賢死返之心而無害

後學戴有本

孫男 千人

曾外孫沈詩盛

處校字